

欽州志卷之六

知州林希元輯

祠廟

欽州

文廟

啓聖公祠

俱見學校門

社稷壇在州治西北半里許洪武五年府同知郭儁建正德六年知州徐珪脩嘉靖十八年知州林希元重脩增建坊表

欽州志卷六

一

風雲雷雨山川壇在州治西南半里洪武五年府同知郭儁建正德六年知州徐珪脩嘉靖十八年知州林希元重脩增建坊表

州厲壇在州治東北半里洪武五年府同知郭儁建正德六年知州徐珪脩嘉靖十八年知州林希元重脩增建坊表

城隍廟在東門內街北舊在儒學東

軍鎮舊址末樂

成化中叅政賈瑜知州陳淳相繼脩葺嘉靖十六年知州林希元毀真武祠而改遷之附洪武

五年僉事陶九疇記城隍之立廟古皆有焉所以各府州縣設之而俾神

廟食者無他蓋欲護國以佑民也故祭法有曰能捍大患則祀之能禦大災則祀之人民之病

則禱焉雨暘之愆期則禱焉本分之外不敢有他祝也洪惟我朝大明麗天無幽不燭以神

武定天下以忠厚化人民摧強輔順東西南北罔不臣服敦正風俗脩崇祀典存其正除其邪

所以禁淫祀尊城隍也乃頒制降式敷命萬邦悉新建廟設神位於廟之中畧其塑像繪以

雲壁示神無形兆也刻日命天下咸欽遵其新制焉而獨城隍神廟經營聖志形于天

語巋然特立禮儀制度於斯為盛城隍之神可不以聖上之心為心而益加陰佑默相以盡

神之職哉欽州府城隍廟舊在府治之東兵燹之餘傾圮久矣同知郭公來治是府敬謹自持

政通人和奉聖旨絕淫祀更於軍鎮舊址依式而重建焉鳩工度材搬木運土以身先之經

欽州志卷六

一一

之營之不日成之百廢俱興丹雘美麗廟制神位如式不敢有所損益也事辦而民不知勞民

勤而官不苦擾郭公亦可謂有庶幹能奉上命者矣黃童白叟奔走駭汗咸稱其能吁表端

影正源潔流清詎不信然至默贊元化致聖君於堯舜之上贊輔陰陽俾人民於仁壽之域

家用平康百穀用成以成雍熙皞皞之化風移俗易吾豈不於爾神而有望庶無負於聖上

立廟之意哉

### 旗纛廟在千戶所後今廢

林公祠在東門外玄妙觀後舊即城中五顯廟

為之卑狹弗稱屋老將頽嘉靖十七年知州林

希元毀玄妙觀後真武祠而改遷之

名宦祠在戟門之左以祀宋推官徐的知州陶弼陳永齡楊友紹岳霖元監郡凍阿朮

國朝知州蔡惟溥李純舊有唐遵化尉李邕宋知州余靖嘉靖十八年知州林希元以遵化縣已并入靈山余靖未嘗知欽州議改祀李邕於靈山改題余靖爲廣西體量安撫使而別祀之

鄉賢祠在戟門之右以祀唐諫議大夫甯滄原國朝國子監丞梁里許知縣陳善住知府楊冠嘉靖十五年知州林希元立二賢祠以祀寓賢唐

欽州志卷六

一三

張說宋呂祖泰後并祀於鄉賢

土地祠在州治儀門東嘉靖十三年知州杜傑重建西向卑窄就壞嘉靖十八年知州林希元改南向而弘其制

關王廟在城內西岡北向洪武二年百戶楊五建成化九年守備指揮吳忠千戶胡顯重建

天妃廟在州城外東南隅濱江東向永樂四年指揮孫遇建天順六年指揮周旻重建歲久而圯居民以義興建歲久不就嘉靖十七年知州

林希元始督成之

烏雷廟在白皮烏雷嶺下

三皇廟故址在州城南今失其處附元馮明孫

記太極既判人位于中朴蒙倥侗捭豚燔黍汗

時也不有聖人孰開厥先庖羲氏以倉精之君

首出繼天文成八象肇建君臣父子夫婦之道

以開天下之聳警神農赤精之君因姜命氏其

紹出也制耒耜之用聚日中之市明稼穡食貨

之理以養天下之萬民黃帝黃精之君國於有

熊公孫媯氏其出也垂衣裳易宮室具舟楫

造弧矢以示天下之威此伏羲所以制人法神

農所以興人利軒轅所以除人害也蓋德侔天

地日皇化合神明曰皇垂拱無為曰皇其道大

而莫載高而無窮故能理日月之運法陰陽之

治節四時之度正律曆之數別男女明上下變

倥侗而為見聞捭燔而為鼎釜汗杯而為器具

羽皮而為織衽毛血而為菽粟使天下之人甘

其食美其服樂其法安其居熙熙然皞皞然百

姓日用而不知故能成雍熙泰和之至治吁三

皇之功蓋萬世則三皇之祀傳萬世不亦宜乎

自夫周人以先嗇祀魯人以有濟祀唐人以壇

欽州志卷六

四

庭除暢達慶成之日適丁春祀薦牲齊陳簋簋  
鏗鏘鍾鼓臣民雅耄懽洽忭蹈對越虔祝使三  
光全寒暑平五穀熟民人育景星慶雲出應昌  
運當今聖人垂拱無為復見雍熙泰和抑亦皇  
靈之昭著也乃為之歌曰三皇之治安無為三  
皇之世民熙熙三皇宮殿高巍巍三皇祀典無  
終期上願當今聖明主泰和常與三皇侶川流  
嶽峙河海清百揆時叙桑穀生萬國梯航四海  
一儀鳳來翔麒麟出乾清坤  
夷日月明天子太平民太平

諫議廟在州治東二十里中和坊唐審悌原為  
諫議大夫致仕還鄉卒鄉人立廟祀之宋樂十  
五年參政賈瑜重脩

北府廟在城東北三里中和坊昔李令公有功

欽州志卷六

五

於民鄉人立廟祀之考李令公邊帥也志失其名

雷廟在州治南五里赤勘村宋樂七年巡檢象

貴建以上五廟俱廢

### 靈山縣

文廟見學校門

啓聖公祠在海北書院之後嘉靖十五年僉事

王崇建

社稷壇在永寧坊西北舊在縣治之北其地下  
濕天順七年知縣林錦遷于石六峰東嘉靖八

年僉事劉道以蕪民居遷今所

風雲雷雨山川壇在州治之南舊在縣治東南  
臨祭多阻水天順七年知縣林錦遷今所成化  
七年始砌壇壝今壞

邑厲壇在縣治之北舊在縣治之■天順七年

知縣林錦遷今所成化八年始砌壇壝今壞

城隍廟在縣治西北洪武三年知縣夏秉恕建  
成化八年僉事林錦脩正德九年知縣劉翕重  
建

旗纛廟在千戶所內東偏正統六年建成化八  
年守備指揮周塏重建

林公生祠在縣治西北六峰門內邑人監生勞

雍等議建未果弘治元年府同知杜禮始成之

正堂大門各一間又於門外兩傍為舖舍四間

歲收其稅以供祭祀府學教授葉徽記士有既

愛存焉非大有功德於民者弗克也夫愛生於  
畏而根於心思見其人者念其德故召伯之去  
南國有蔽芾甘棠之詠羊叔子之去襄陽有現  
山墮淚之碑此天理民彝之自然通古今為一  
息者歟聞之連江林公彥章發身賢科博學多  
聞考其為人若范文正公自做秀才時已理會

天下事者故自其身教數事以至於為令為守起擢憲衆尋陞憲副時至郡邑政教一新百度脩舉其事未易悉數而其豐功偉績則以脩建城堡保障殘民設戰守之具歸徃夷之心計安人遠用戒不虞者為一等事也百世之下民受其福始而治之久而安之遠而思之以義祠之無老稚男婦無尊卑貴賤皆仰公為父母常歎觀其儀刑儼若福星之照臨靈光之獨存烏能頃刻忘迺成化十有五年公以勞瘁成疾漸倦於勤屢上疏乞骸骨以終天年上允其請而兵權遂釋士夫軍民聞之如喪考妣恨不能遮道攀轅至以千里百里遠送于闕而後已迄今二十年間仰德威而思遺澤者猶一日往歲鄉人勞雍等群集于邑咸欲議建生祠圖其儀像以瞻以依蓋謀而未遂者也時郡二守豐城杜公玉節自下車初恒以立堡綏夷招復流亡補稅畝為事上聞而天子嘉之撫字同心功可踵迹景仰先烈每按是邑詢故老得其巔末輒

欽州志卷六

噴噴嘆曰吾郡之有靈山界當廣西夷寇跋扈既險且危所以調護元氣而疲瘵復春吾屬無患林侯之功居多乃與邑之鄉耆梁本等日為區畫發貯私帑以成其志且以先時知縣崔公所勸緡錢守備公所採木石命官募匠樂事勸功來者如雲實創始於弘治之紀元九月一日落成於弘治之五年九月一日而其董理則典史饒景百戶喻信工不踰年而刻像亦告成焉由是靈山之士民黃童白叟歲時伏臘稽首百拜者動以千計不約而同杜公繼至欣然見其峻事即召諸父老相度於祠前隙地創置店舍四間俾商於斯土者僦屋以居徵其杏燭使可以克常祀此可見邑人愛公之深杜侯敬公之至乃歲次弘治之七年邑令趙君鉅常謁斯祠念無文以記其事遂請諸廉請予文以志之以昭休公之德澤一以表吾人之思愛予於公為同鄉而知公尤深何可以不文辭考之記曰能以勞定國者則祀之能禦大災大患者則祀

之昔子胥屈原皆有功於時至今血食今觀林公以子視民而盡保愛之責吾民以父母報林公而極尊事之典其與于胥屈原之事其崇之遺岷山之碑蓋異世而同揆者也故立之祠聖之記以俟觀

風者采焉 正德七年僉事李瑾脩嘉靖十五年僉事王崇增建儀門一座嘉靖十八年僉事

孫世祐見祠宇就敝市租亦為縣官所有乃復

脩葺復市租以供祠用附韶州府教授方玘林

公德政記 夫子以政令刑罰為化民之末務而

因之所列率仁厚之士凜凜德讓之君子而亦百十年之間一見其人者有捍禦之功自安樂之有富教之實自咏嘆之可多人能哉於今見林侯之為賢也侯未相識也嘗讀旌廉能公移

欽州志卷六

仰其名氏其後讀郡守饒君秉鑑新城之記詳其行事又其後司訓許君文燁以父老之書請記其德政之碑益知其詳侯名錦字彦章閩連江人庚午鄉試第授庶之合浦訓導正身立教鄰庠生多從問學天順庚辰蠻寇起海濱陷郡縣靈山當其衝尹丞先事去都憲葉公時巡撫兩廣檄侯來署侯視南郭外民聚處數千家而城中縣治軍營之偏窳無有隙地亟命取木於山環民居樹柵五百餘丈為之保障歲且不登多窘於衣食傾倉賑給無有空乏無何滿秩之京寇毀其柵民潰入山林往往相泣也葉公具其績于朝請授知縣奉詔從公言民聞知相率來歸而於時寇勢熾縱橫剽掠無虛日侯躬率民壯隨所至往禦明年壬午正月與戰於羅禾水口敗之閱月又敗之墟黃崗嶺下五月晦前二日大敗之新月前後倖斬近六百人寇云攻他邑邑以無虞乃諭民拔木柵築土垣因舊城關之上具睥睨樓鋪下通重門外鑿深壕



遷縣治於中安危借之費鉅財不告匱役煩民  
不言勞笑語嘻嘻式歌且舞謂他邑災害之相  
仍而我耕樵時事鷄犬相聞也侯事神育材尤  
所加意大成殿南北壇傾頽久矣脩飾如新建  
學後堂開兩齋焉絃誦所戎事稍暇坐其上問  
難經義講肄禮義民多從往觀久皆服習其教  
婚有時喪有制燕有序孝友有節尊卑有秩鄉  
魯雅俗倏爾荒服見之夫頹洞轆轄之秋貪酷  
乘而措克罷軟然而苟且事急勢至策馬奔馳  
而號諸人曰蠻氣甚惡也城弊莫守也民頑莫  
從也過此有不愧於中邪侯賢於人遠矣而侯  
之治小邑耳得郡佐之千里刁斗之息矣得藩  
佐之一方衽席之安矣而詢其設施次第初不  
事刑罰之嚴捐之以俸富室諭財先之以身壯  
夫効力夫子語子路先之勞之之語侯之用矣  
子路以政事名而其志曰千乘之國加之師旅  
因之飢饉為之三年民有勇且知方也門人尚  
述之以示後世林侯之賢不有述之為善者不

欽州志卷六

九

幾於怠乎故不拒父老之請次第其辭俾太常  
歸刻諸石俟太史之采以續史傳之載云

少卿莆田林文林公安邊脩造記

能無而於禍患之來預生賢才為攘却且因之  
而立千百年之防此實天相至治之世若漢馬  
文淵之平側貳而與越人申明舊制開陂障溝  
洫宋余安道之平儂智高而罷浮賦奏官吏滿  
去不得持南方藥物非其然耶而今得林君在  
廉州安邊脩造政績於二公若一人者故因靈  
山周教諭弘之請并其行事詳著之教諭余同  
邑人非有私於君而為求言因廉人之志余烏  
得無言乎君名錦字彥章閩連江人由景泰庚  
午鄉試進士授合浦縣儒學訓導時蠻寇四出  
郡邑不能為計君累陳守備方畧皆鑿鑿可行  
天順紀元右僉都御史崑山葉公檄署靈山縣  
事君至周視形勢於縣南立排柵五百丈多設  
戰守之具寇不能為害適中貴前後徃珠池採

珠勞費百萃君為措置其事告完民不以為  
艱未幾滿秩之京民度失怙依散入山谷葉公  
具其事以聞辛巳授靈山知縣馳驛來任民  
聞之來歸而是歲田荒不耕穀價騰踊斛至錢  
千君發倉廩賑濟而寇勢益熾時時攻掠村堡  
君乃卑騎至其巢穴諭以禍福於是近縣二十  
五徃悉歸服其遠所不服射率民兵以徃隨所  
至與戰先後俘斬千餘還所擄掠子女倍之縣  
中無事乃去排柵築土城徙縣治於中庶守饒  
侯秉鑑為作新城記禁淫祠脩學校試生徒勸  
民力農桑務孝弟成化丙戌陞知廉州府事靈  
山民求韶教授方先生此為德政碑文立石頌  
德焉廉亦經寇久民勞飢發倉廩如靈山先後  
所活數萬人時寇焚劫清和鄉官軍望之不與  
戰君亦有與造焉寇見君耒耜首散去者千人  
尚有恃強不降者縱兵殺之盡自後聞寇所在  
即率兵徃徃必俘誠以歸脩城浚隍周城設串樓  
造戰守器械暇日召耆老問其疾苦而吹嘘摩

欽州志卷六

撫如在其身又脩治學宮教訓子弟於學南關通  
渠架石梁作化龍亭廣東左布政使張公廷璽為  
記戊子秋勅拜廣東按察司僉事撫治廉州君  
益相地利設團河營以禦西寇設新寮營以禦南  
寇設洪崖營以塞寇出沒之路於是寇來則獲期  
月間誅豪酋三百疇而還虜掠視靈山時加多流  
適歸禾稼熟商賈四至物價省半已丑出巡欽州  
下車以脩浚為第一事儒學舊在城外壞且盡以  
海北道作明倫堂貨堂左民居作孔子廟別作海  
北道於城西南次治驛館舖舍整飾如新是秋至  
永安城隍低淺於欽州為甚亦為之脩浚高堅且  
深設串樓器械如廉庚寅春復至靈山念土城非  
久遠計燒磚鑿石命把總指揮周宣董其事未周  
歲而石城成周五百丈高一丈九尺覆以串樓開  
東西二門靈山遂為重鎮蠻寇固仰君威德不敢  
以來亦無能為也已然而諸役之興未嘗歛民  
一錢用物力皆歸其直而出於公帑之積遠外  
之民徒見諸役之興以成不知其所以成也又

重作靈山縣治煥然如式下至道路橋梁以石  
砌者四十三於達官官軍之來守州縣者為治  
房舍器物園圃養其銳氣而於軍民利病酌其  
可否可經久行者言之于朝前後十三餘疏  
朝廷知君出於公正皆為嘉納或特旨勞賜而  
所言之大為兩廣生靈之福如請立總兵府於  
梧州府使嶺南萬里昔為病苦之邦今為富樂  
之地君之功尤可尚也視馬余二公皆足以載  
國史示來世而君筮仕適在蠻方能展猷為至  
於顯用不徒俾蠻夷惴惴焉不敢以動其施設  
期至於久遠安然無為於此見君為賢才之士  
天相國家之治至於萬年之久不於此而見一端  
也耶余退居久於史事不復有與然因庶人之  
欲而為記以俟采擇為君列傳而君亦由此而  
升弘功偉業將有功天下史氏自當為  
君大書特書不一而書何俟於予也哉

名宦祠在海北書院之後啓聖公祠之左舊無

嘉靖十五年僉事王崇建以祀宋知縣鄭光祖

主簿毛溫本朝典史鄧忠縣丞王勉知縣林錦

嘉靖十八年知州林希元增祀唐遵化尉

李邕

鄉賢祠在海北書院之後啓聖公祠之右舊無

嘉靖十五年僉事王崇建以祀宋朝奉大夫黃

渙嘉靖十八年知州林希元增祀唐諫議大夫

甯悌原

土地祠在縣治內隨縣建立原居右偏吏司房  
之上東向歲一祭嘉靖十五年知縣趙仲衍改

縣遷於縣堂之左與縣並立嘉靖十六年知州  
林希元歲增春秋二祭

兵防

兵官

海北兵備道初署雷州正德二年改署靈山初  
副使僉事間用後純用僉事

管轄

府二 廉州州一 欽州 縣五 合浦 靈山 海康  
雷州州一 欽州 縣五 徐聞 遂溪

衛二 廉州州一 欽州 縣五 合浦 靈山 海康  
雷州州一 欽州 縣五 徐聞 遂溪

欽州志卷六

十二

海安千戶所 樂民千戶所  
錦囊千戶所

甘澤 魏郡人副使正統 李駿 浙江會稽縣人進

毛吉 浙江餘姚縣人進士僉事天順 林錦 福建

縣人舉人副使 俞俊 直隸人進士副使 翁晏 福建

縣人進士成化十七 王經 直隸長洲縣人進

良永 福建莆田縣人進士 鄧槩 江西新淦縣人進

李希顏 直隸華亭縣人進士 李瑾 浙江處州衛籍

正德三年 李志剛 四川成都左護衛籍進士正 盧

學書 江西清江縣人進士汪克章 浙江餘姚縣人

年任楊崇福建甌寧縣人舉劉道子弘江西萬安縣人進士嘉靖  
 八年任陸澄元靜浙江歸安縣人鄭允璋建德夫福建  
 人進士嘉靖王崇仲德浙江永康縣人孫世祐  
 十一年任嘉靖進士嘉靖十三年任  
 元吉江西豐城縣人  
 進士嘉靖十七年任

欽州守備自宣德元年交趾黎利叛始命廣東  
 都指揮程瑒領軍於欽城南北立四營以守後  
 因之都指揮指揮間用成化六年以後皆用指  
 揮不復以都司領軍矣

程瑒廣東都指揮王斌廉州衛指揮干羽廣東都指  
宣德中任

欽州志卷六

揮正統十尹通廣東都指揮天順八年六月周  
 四年任日賊陷欽州城取回  
 旻廣東衛指揮吳忠廣海衛指揮成化李昂廣  
 衛指揮成肇慶衛指揮成湯宣南京衛指揮弘  
 化八年任化八年任  
 治二年任邵昇廣海衛指揮袁勛南京衛指揮陸  
 鑑廉州衛指揮李叢惠州衛指揮王堪雷州衛  
 治弘治八年任弘治八年任  
 治十一年任劉斌廉州衛指揮白賁廉州衛指揮  
 任陸淳廉州衛指揮弘廉州衛指揮張  
 榮廉州衛指揮弘廉州衛指揮王剛廉州衛指  
 治十八年任廉州衛指揮劉鑑廉州衛指  
 任張輓廉州衛指揮徐淵雷州衛指郭某雷  
 正德六年任正德八年任

衛指揮正德張傑雷州衛指揮正王勳廉州衛  
 十一年任  
 德十三王臣廉州衛指揮正白俊廉州衛指揮  
 年任  
 任湛狎廉州衛指揮耿富廉州衛指揮范鎧廉  
 任  
 衛指揮嘉許淳廉州衛指揮孫正廉州衛指揮  
 靖六年任  
 六年任

靈山守備天順初調廣惠二衛官軍六千分班  
 上下防守成化十六年掣回廣州衛弘治十四  
 年掣回惠州衛成化以前或以都司自後只以  
 指揮領軍防守

○欽州志卷六

十四

歐磐廣東都司徐寧廣東都司白太廣東都司周宣惠州  
 衛指揮閻通惠州衛高惠州衛袁勳南京錦  
 指揮已上俱孫璧廣海衛指揮行都劉鑑廉州衛  
 成化中任  
 治十七陸淳廉州衛指揮張輓廉州衛指揮范  
 年任  
 凱廉州衛指揮孫正廉州衛指揮張  
 德十三年任  
 慶雷州衛許淳 劉滋 孫正 范鎧 湛翔  
 指揮  
 俱廉州衛指揮  
 揮嘉靖中任

兵制

欽州千戶所轄十百戶所額設旗軍一千三百

八十二名

逃亡一千七十七名實在三百五名  
內除老幼軍二十三名實在精壯二

百八十  
二名

民快一百八十名

沿海巡檢司弓兵二十名

長墩巡檢司弓兵二十名

管界巡檢司弓兵二十名

如昔巡檢司弓兵二十名

靈山千戶所轄十百戶所額設旗軍一千一百

二十名

故絕旗軍六百八名逃亡旗軍二百  
四十七名實在旗軍二百六十五名

欽州志卷六

十五

民快四百五十名

西鄉巡檢司弓兵二十五名

林墟巡檢司弓兵二十名

兵器

欽州千戶所

國初頒

銅將軍鏡一箇 銅飛鎗二把 銅碗口鏡

四箇 銅神炮五箇 銅手鏡六把 銅長

頸破落戶二箇 缸神炮三箇 缸碗口十

一把 鈎扣馬丹九箇 鈎飛鎗十一把

火器五十四件 鐵骨朵三十二把 滾刀八把

正德九年七月 欽降減半式樣

六瓣明盔五頂 襯盔五頂 齊腰甲五副

黑漆絲紫角弓十五張 正副白絲弓絃三十條

破甲鐵箭八百八十二枝 明油真

皮撒袋十副 黑漆靶鞋腰刀十把 黑漆

鞘斬馬刀五把 勒甲脂皮帶五條 彩畫

虎頭長挨牌十面

欽州志卷六

六

凡九百八十二件約用料銀三十八兩一錢

一分五釐七毫七絲三忽一微五纖

清軍御史楊紹芳議奏添造

佛郎機銃管十把每把連提銃子一箇 神

機螺螄箭各一百枝 鈎刀五張 眉刀十

張 短鎗二十根 弩二十把

前件軍器量造十分之二

已上軍器銀四十一兩五錢三分五釐六毫

七絲二忽三微六纖軍三民七出辦欽州千



戶所該銀一十二兩四錢六分七毫一忽一微九纖撥正軍二名出辦免其差操欽州該銀二十九兩七分四釐九毫七絲一忽一微七纖照秋糧民米出辦

### 靈山千戶所

國初欽降軍器無正統五年始自廣海衛調守靈山故軍器無降

正德九年七月 欽降減半式樣御史楊紹芳

奏添造軍器出辦銀兩並如州

### 城池

欽州志卷六

七

州城舊在靈山縣思林都今舊州墟其故址也

地卑氣鬱人多死于瘴厲宋天聖元年推官徐

的始建議遷近海白沙之東即今治所學正萬

人俊記舊郡水土不利朝野具聞稼穡歲望而

寢深其有隸官而來戎師北至據鞍繞解坐席未溫即憂懼之莫遑漸淪胥之相繼昨本路轉

運使司封員外郎鄭天益提轄之暇經度海隅之地抗疏封章上聞宸聰朝廷念茲遠俗申明

勸農使度支員外郎許式副使成正忠國子傳士江澤從而審察咸曰便宜於是經之營之果

兆元亨之吉遠者近者咸為壅闢之勞屏強徒如葦蒲救生民於塗炭陰陽之利既博封守之

固水寧而復命有聞允詔斯下桂林監護上閣未侃漕輸鄭天益暨郡守符侍禁朱正用佐幕

徐的共宣厥謀併集其事內是命茲執度鳩工  
督繩築之登登盡興於百塔探之閣閣咸列于  
群材圖鼎革之著庸嘉輪奐之濟美民安編戶  
目駭外夷斯蓋國家拓土於要荒濟民於富壽  
作為可法有周后子來之心悅懌忘勞無梁伯  
民罷之嘆故築未浹旬而工度咸備幾五月而  
經營俱存土厚水深滌除於天災家給戶足馴  
躋於禮樂老安少懷識遜畔讓路之化上行下  
效異同川鼠穴之風振喉領於一方煥圖謀於  
千古上棟下宇名山大川雉蝶之窮崇根基之  
堅固橋梁濟達戶賦滋  
盈備載于經悉見其事

大明洪武四年脩築環圍五百九十四丈五尺高二  
丈四尺五寸基厚二丈五尺三門東曰朝陽西  
曰鎮遠南曰觀海外開城壕環圍七百八十一

。欽州志卷六

一六

丈五尺景泰七年六月十三夜為賊所陷成化  
六年分巡僉事林錦增蓋串樓門樓敵樓六百  
一十三間兵馬司廳一十二間正德年間守備  
王綱脩十四年知州李純見河水乾淺乃浚濠  
築堤渚水東堤一百餘丈南堤三十餘丈串樓  
久壞嘉靖四年知州藍渠改建三間以便瞭望  
三間以便居守嘉靖十三年知州杜傑脩築復  
建窩舖二十七間先是西門橋壞行者不通知  
州藍渠塞其門嘉靖十七年十月知州林希元

見其門西通永樂時羅貼浪諸鄉都其民赴州  
治咸迂道東門弗便乃復開之又於東西門各  
重蓋兵馬房六間建橋跨壕以通往來

靈山故無城徃寇作耗邑民勞憲奏請築城正  
統五年兵備副使甘澤始議調軍作城以守城  
墉環圍五百一十丈高一丈八尺厚三丈四門  
東曰朝陽西曰鎮西南曰鎮南北曰拱北天順  
三年八月二十五夜為賊所陷成化間都指揮  
徐寧歐磐始開壕二道各濶一丈九尺環圍五

百一十四丈成化八年僉事林錦增蓋敵樓一  
十八座串樓三百五十間顧其城徧小乃從東  
南擴而大之增築城墉四百五丈開東西二門  
蓋串樓二百五十五間敵樓二十四座廉州知

府饒秉鑑記

設郡縣以施政治建城池以禦強暴此君有天下者所以保民而圖

治也蓋民者國之本本固則國以寧自昔為天下者未有舍民而為治也我朝立國建邦稽古圖治而郡縣之設城池之建在處皆然靈山縣則開設於洪武之初縣之治舊立於石六峰之下正統間復於治之東建築城垣及立守鎮千戶所而縣治於是亦遷於城焉然城中之地僅容官軍之房舍而已附郭之民則猶居於城外天順以來盜賊竊發民甚苦之今丞且闕時

都憲崑山葉公奉命巡撫兩廣以合浦儒學訓導林錦彥章素有為守遂移檄使署諸縣事彥章既至乃盡革其弊政而更新之而又於城之南附城立排柵以居其附郭及近鄉之民使寇不能近而民得以安既而彥章以教職滿考去而排柵亦隨為寇所燬縣之民士因具詞告于府府以達諸當道俱合薦之干朝遂獲陞是邑令履任之日盜賊尤擾攘彥章乃率諸義勇屢擊而敗之且集其民夫即排柵故址築土城以護其民居城以丈計者四百有奇高丈有五尺厚九尺城之上覆以串接城之外為壕塘巖焉嶄焉且堅且固茲併以縣治遷諸其間與民共守民之賴其保障而得以莫其居者迨數千家夫朝廷設官分職雖有內外大小之殊然其制無非所以為民也矧有司之職尤為親民之切苟不恤民之患安民之生而徒敞敞於簿書期會之間又豈父母斯民之道哉彥章以科第進身居教職時廉能之名已見稱於上下及

欽州志卷六

二十

攝縣事陞縣令其於興學校革奸弊抑豪強禦盜賊為惠於民也不少是以一二年間予得以無靈山之憂者彥章之能事也至是復展其城遷其治使民得所止而寇不能撓充為保民之長策非賢而且才其能然乎此予之所以深嘉之焉故書以記之城展於天順壬午之秋縣治遷以明年之夏記作於成化二十一年守備指揮於是歲七月丙申云

袁勳弘治十八年僉事鄧槩正德五年僉事李

瑾相繼脩築嘉靖八年僉事劉道謂串樓易壞

毀之增築墻三尺以防踰越又開一門曰通濟

後僉事陸澄謂與縣門相射命塞之嘉靖十三

年僉事王崇謂弗樓傷墻且不便守者復建串

樓六百三間扁新東門曰長春西門曰六峰又

於長春門外隙地起舖房三十間歲徵其稅以

爲脩城之費廉州知府張岳記靈山據廉之上

順成化間蠻寇殘橫邕逾嶺攻破縣郭廉與其

屬城無一能完其守者於是天子采廷議下

聖書命憲臣分巡海北者開署治兵以制之然

後瀕海數百里之人得免於兵革者七十餘年

矣嘉靖甲午春麓泉王公始至閱視其城壁雉

蝶樓櫓與凡兵馬器械之數寢弛弗治曰是殆

狎於久安得無遂芽孽如昔日者乎治既數月

奸宄屏伏幽滯宣釋巷梓弗驚商旅夜行廼經

材鳩工調番休之卒取木於山陶坵煨厲咸授

以法以其年四月始事五越月而功告成凡爲

門二垣六千三百三十六樓之表如垣爲屋以

間數者六百有三故所無也用才木瓦甃灰鐵

積至一百四十萬二千有奇糜金百二十兩又

以餘工作郭肆三四十間歲賦其入以待工事

營城四外高爽地駐兵與城中相應而時其校

練凡禦守之具無一不具初公之議茲役也費

不及於民然民知公之以欲衛已而安之也其

富人皆爭出藏粟以食役者故能不涸踰時日

費省而功用多由是觀之苟利於民而以忠信  
惻怛之心行之真能使民效死以赴長上也豈  
獨茲役爲然哉昔日虞夏聖人蓋嘗患蠻夷寇  
賊矣卒其所以治之者無他曰明于五刑以彌  
五教而已聖人非固以城郭甲兵爲無所用而  
畧之也君臣父子夫婦朋友之紀生人之大防  
存焉苟紀廢而防壞雖有城郭甲兵孰與守之  
哉是故先其所以守之者而後及守之之具本  
未緩急固其次第也今公以聰明綜練之才提  
刑一方一切畧去苛細其大體以教化風俗爲  
先興學校厲信讓蓋不專以城郭甲兵爲足弭  
蠻夷寇賊之變及其協群情以就此役又籌畫

調度細大不遺其法皆可以施諸永久所謂愷  
悌君子民之攸暨者歟凡公之屬吏將校歌頌  
公功者欲著於不朽而岳適來承乏茲郡相率  
來請文故為其著始未勒石以告來者俾有考  
焉

### 谿峒

博是峒在如昔都下葛村宋時為長官司有昔  
得為峒長管轄其民至宣德間其孫黃建以其  
地叛降安南授以經畧使今其孫黃音願來歸  
鑑山峒在如昔都羅浮村宋時為長官司有黃  
得為峒長管轄其民宣德間其孫黃子嬌以其  
地叛降安南授以經畧使今其孫黃資願來歸  
貼浪峒在貼浪都思牙村宋為長官司有黃令  
欽州志卷六

### 欽州志卷六

### 三

聖許及其孫黃世華討賊有功仍授以金牌印  
信國朝收印罷官然猶得為峒長管轄其民  
今孫黃時羅峒在時羅都宋為長官司有黃令  
文愛襲時羅峒岳者為峒主國朝收印罷官  
然猶得為峒長管轄 漸廩峒在貼浪都思廩村  
其民今孫黃浩襲 黃令謝為峒主 國朝收印罷官然猶得為峒  
長管轄其民至宣德間其孫黃金廣叛降安南  
授以經畧使今其孫如昔峒在如昔都思勒村  
黃伯銀願率衆來歸 黃令德為峒主 國朝收印罷官然猶得為峒  
長管轄其民宣德間其地為交趾所侵置金勒  
千戶所移住那蘇古森峒在貼浪都宋為長官  
隘今孫黃鳳陽襲 主國朝收印罷官然猶得為峒長管轄其民  
至宣德間其孫黃寬以其地叛降安南授以經  
畧使今其孫黃福添願來歸按七峒長官司今  
其子孫俱云始祖黃萬定係山東青州人漢時

從伏波將軍馬援征交趾有功留守邊疆其子  
七人分爲七峒長官司愚考宋史有黃令德者  
爲如昔鎮將則七峒長官司黃令欽等決非萬定  
之子意其遠孫也然長官司之設莫知其自  
始至元世祖時黃令鑑之孫有黃世華者討賊  
有功授以金牌印信克七峒長官司愚意七峒  
長官司設於宋時後廢或至裔孫時休峒界  
黃世華討賊有功始復其職官耳時休峒界  
檢司地方相傳其祖稱能旺從漢馬伏波將軍  
馬援征交趾有功賊平留守邕欽二界然年代  
太遠意亦如宋時時羅七峒耳末樂中時羅峒  
長以事革其孫稱貴成始移守時羅峒今其孫  
稱天  
襲

營堡 關隘附

欽州

欽州志卷六

三三

防城營

在時羅都防城地方正德元年交趾夷  
目范汝舟越界與都民擄鑄黃金濟爭

田乃立營

欽州千戶所軍五十名守把以千

戶一員領之

嘉靖十八年知州林希元分軍二

十名守那蘇

隘白皮營在州治東南白皮廠前

只存三十名

廣軍門命守備指揮徐淵建欽州軍快各二

十五名防守

後廢嘉靖十六年知州林希元因

有事安方家營

在州城西方家村一十里乃海

南復建

舟可泊之所正德十三年夷船

於此登岸剽掠

知州李純始建營防守後廢嘉

靖十六年有事

安南知州林希元建議於此立

營初撥永安所旗

上扶隆營在貼浪都上扶隆

軍防守後掣回

村與交趾萬寧州

接界嘉靖十年

上思州夷日趙盤趙溥由此越

入交趾軍門以兵

備道議於此建營撥欽州千

戶所宣軍五十一

員名守把嘉靖十七年知州

林希元以非要地

議罷分軍二十名守陸眼營

餘掣回陸眼營在永樂鄉三圖陸眼村與廣西  
守城州林希元以廣西水口華陽四崗時剽掠  
年知州於此立營編鄉兵撥民快協同守把  
為民患乃於此立營編鄉兵撥民快協同守把  
議掣防城官軍往守適有事安南遂寢至嘉靖  
十八年始申前議只撥上扶隆營軍二十名以  
百戶一員領之重脩其營林希元記欽邊郡  
也其地西接廣右四崗狼蠻時剽掠為民患每  
遇秋冬之際民荷擔携擊驅牛羊舍廬舍逃之  
山谷避寇患者歲為常思蘆一村舊稱富庶因  
之殘破十戶五亡生意索如也予初至郡父老  
師以告及理案牘見民以盜賊相告言者十而  
七八嘆曰此一方之害也亦經理之未至焉耳  
乃作訓詞陳國家威德與善惡利害遣人特  
至四崗省諭之莫不震攝屈縮互相推避甲曰  
盜者乙也非我也乙曰盜者甲也非我也乃皆  
稽顙陳狀聽約束保弗後患使者以報予曰未  
可恃也乃訪賊出沒所由之路為防禦之計使

欽州志卷六

一西

人圖其山川道途險易遠近閱之永樂地接廣  
西以八尺江為界江之北二十里為遷隆寨遷  
隆之西八里為華陽崗華陽之北十里為水口  
崗水口之西十五里為吳崗吳崗之西二十里  
為武黎崗四崗之地華陽最大水口武黎吳崗  
僅足以當之四崗之寇水口最橫吳崗次之華  
陽次之武黎又次之賊越遷隆而東則由那架  
山轉掠而西由陸眼以歸越遷隆而西則由陸  
眼村轉掠而東由那架以歸陸眼那架實賊之  
門戶出沒之所必由那架以歸陸眼那架各立營  
以那架付廣西路余曰必待報而舉則緩不及矣  
乃命雷界巡檢宋守才發民伐木誅茅建營房  
三十六正廳鼓樓退居各一編民為保伍選民  
快之精銳者令宋守才督率協民守把既而當  
路以予議命千戶趙繼文判官朱浙覆視僉予  
同已而安南事動防城軍未及移然予之營守  
已備矣鄉兵各自為守分番上下晝夜然予是



歲賊果不至丁酉戊戌如之戊戌之秋賊寇廣  
西去吾邊二里而近竟不入境予曰狼夷其信  
我哉乃請于當路遣巡檢宋守才持花紅羊酒  
勞之其民素不識官府聞至咸驚匿山崗示之  
意乃皆欣躍爭赴得賞咸北向稽顙謝曰歲歲  
不敢復入欽邊民有室家之樂于今三年矣已  
亥之秋予當滿去士大夫老成曰公去狼賊必  
復來柰何聞邊民有鬻產為避盜之計者予嘆  
曰古之君子宦徹所至去而澤必垂後今予去  
欽而賊患復起非政也乃即前議而申改之留  
軍三十於防城分二十守那蘇以舊上扶隆營  
之軍二十守陸眼告于當路備兵憲使二水孫  
公實成予議舊營創於倉率弗久就敵乃命巡  
檢史鼎發民伐木陶瓦即舊趾復建縮營房為  
二十正廳敲樓退居視舊加大易茅以瓦環以  
木柵費白金僅一斤民聞命悉力趨事恐後起  
工於己亥秋仲越二月而功告成父老曰非公  
無以保我邊民非記無以顯公功請記之予曰

欽州志卷六

三五

功予何有保民烟通營在州治南烟通嶺之陽  
予志也乃記烟通營沿海巡檢司舊趾也水  
通龍門海口海舟可泊之處嘉靖十六年有事  
安南知州林希元立營初議撥求安所旗軍防  
守後墮坑營在州治東南烏雷嶺之北舊無嘉  
掣回雷嶺下泊舟偵我動息官軍得獲廉州知  
於烏雷嶺始於此立營撥廉州衛旗軍五十名防  
府張岳始於此立營撥廉州衛旗軍五十名防  
守那蘇隘在如昔都與交趾萬寧州金勒村接  
年知州林希元因有事安南於此建營議召雷  
州衛軍二百名守把十七年安南事暫停止掣  
回雷軍十八年議分防城營軍稔均隘在那蘇  
二十名於此防守屯種荒田那隆隘在那蘇  
相去七里隘外即交趾大海水那隆隘在那蘇  
港通入亦有小徑今夷人塞之那隆隘在那蘇  
去十里許隘外即交趾大海水港通入港東西  
居民二十餘家又有小徑通交趾奸民通夷率

由此要天板關在州治西六十餘里宣德間守  
害地也。備都指揮程瑒建以千戶所千  
戶一員領軍。漁洪關在州治西北三十里宣德  
十名守把。旗軍五名守把。以上三關皆以欽州所  
把茶陵關在城治東二里宣德間建以欽州所  
為民害弘治十六年州民胡真呈革。

### 靈山縣

那暮營在縣治東南博我鄉去城二百五格木  
營在縣治西南下安業鄉去城一百八十里欽  
營靈中道二營俱成化七年僉事林錦建久廢

今建丹竹營在縣治南一百七十里上安業鄉  
公館丹竹營其地荒僻禦盜淵藪知府張岳建  
前後官廳二左右廂房各一撥廉州譚家堡在  
衛百戶一員領軍居守行者便之。

欽州志卷六

二十六

治東一十五里上武安鄉天順六年僉事林錦  
建成化十二年易砌以磚蓋鼓樓窩舖正德四  
年僉事李瑾脩調永安所官軍防守嘉靖十三  
年地方寧謐僉事王崇將軍掣回守城外窩舖  
團河堡在西鄉中寧都去縣治一百九十里成  
立周圍三百三十四丈築土城址闊七尺上濶  
五尺連梁眼高一丈六尺又蓋門樓敵串樓計  
三百三十四間調官軍守禦上中下寧三都  
正德以來地方寧謐掣回官軍營堡隨地。洪  
崖堡在縣治東三十里下東鄉近廣西橫州乃  
圍排柵一百二十丈撥官軍守把成化九年易  
以磚瓦建鼓樓二座內設官廳窩舖正德五年  
僉事李瑾脩歲久而圯嘉靖十八年僉事石隆  
孫世祐重建前後堂各一座城樓各一座。石隆  
營一名石塘營在合浦縣歸德鄉路通廣西龍  
山八寨乃木頭峒徑鐘出入之地成化六年

僉事林錦建弘治元年同知杜禮脩十一年  
參議任毅易磚脩築今撥靈山民快三十名  
兼狼兵守把此皆屬合浦繫於靈山者守兵  
乃靈山也附杜禮詩曉聞金鼓報新晴四望  
青山列盡屏白屋幾家茅剪綠平田千畝稻  
分青溪塘水落魚歸罾野岸沙明鴨卧汀聞  
說賊巢都賣劍逢人私問相牛經○蠻烟瘴  
雨帶春農深入山谿右石隆舊土新畝千頃  
稅深秧淺水幾家風青山落日牛羊下古木  
彌縫○驅馬重來入石隆滿頭霖雨滿頭風  
羊腸險道艱危裏鴉舌蠻夷變化中村老携  
壺迎客問田家拍稻喜年豐眼前底事非容  
易間俗誰能答聖聰○肩雨行春馬足催  
山南山北為誰來野心狼子從今化翹首倉  
生得好培巢穴幾年銷劍戟畱畬無地着蒿  
萊遠臣一點丹心在笑指縱橫瘴霧開○東  
去青山百里長自披荆棘歷羊腸單車隨馬  
一。欽州志卷六 一。三

衝坭怯雙節催人逐路忙山雨斜侵烏帽濕  
天風直透綉絺涼舉目不見曠曠日惟有丹  
心逐瘴鄉

### 備倭

倭日本國也在海東日出之地故曰日本  
去閩浙為近廣東次之自元季至 國初  
常為三邊之害備倭之名則起于此三方  
濱海之地無不置軍欽州海道自龍門東  
南至烏雷嶺與合浦分界半日程抵合浦  
白沙珠池二日程西南抵大小鹿墩與交

陟分界一朝程皆要害之處海軍瞭哨之所及也

正南至瓊州四日程正北至廣州十二日程西南至交趾海東府五日程

宋

慶曆中招集廣南巡海水軍忠敢澄海雖曰廂軍皆予旗鼓訓練備戰守之役宋史

紹興間置水寨軍一屯三百彈壓本路沿海盜

賊雷州志是時俱不為備倭設

欽州志卷六

三六

國朝

洪武二十七年七月甲戌始命安陸侯吳傑永定侯張全寶等率致仕武官往廣東訓練沿海

衛所官軍以備倭寇是時方有倭之名

天下鎮守凡二十一處廣東曰備倭會典

巡視海道副使一員都指揮使一員

廉州衛指揮一員

欽州領軍百戶一員

旗軍一百名分上下班出海巡哨上班五月至

九月下班十月至來年四月下班軍每月辦脩船料銀三錢三分

六箇月該銀一兩九錢八分

戰船二隻今存哨艇四隻盡壞嘉靖十七年知州林希元復置三隻

論曰予讀吳淵頴喻倭論黃后峰倭奴貢獻書

而知倭寇之為邊患也重師環宿戈甲交嚴

國家之所以備之者蓋無不至數十年來倭奴

遠遁而濱海頑民乃時剽掠為民患備倭之軍

曾莫能捍禦僅為虛設木久則嘉法久則壞其

勢固尔興衰抹弊將不在於今日乎

### 墩臺

茶山墩在州治東南十里茶山嶺上俗呼東烟通嶺沿海巡檢司在其南嘉靖十六年

有事安南青鳩墩在縣治西南三十里木欄村

於此立營通金竹墩在州治西三十里金竹村大鹿墩在

嶺通金竹墩在州治西三十里金竹村大鹿墩在

治南大海中東欽州界西通金竹墩在州治西三十里金竹村大鹿墩在

交趾界其處產玳瑁龜筒通金竹墩在州治西三十里金竹村大鹿墩在

墩在州治南時羅都防城按墩臺之設其來久矣遇有警急舉烽火以相

報禦寇之一策也今法軍人犯徒者皆發墩瞭望但承平日久方隅無事所謂哨瞭者特虛名

爾

欽州志卷之六 終

欽州志卷六

三十